



REPUBLIKA E KOSOVËS/REPUBLIKA KOSOVA

GJYKATA THEMELORE MITROVICË

Numri i lëndës: 2021:107964

Datë: 18.01.2024

Numri i dokumentit: 05210366

C.nr.703/2021

GJYKATA THEMELORE NË MITROVICË, Departamenti i Përgjithshëm, Divizioni Civil, me gjyqtarin individual Genc Hasani dhe me bashkëpunëtoren profesionale Valbona Tahiri, në çështjen juridike kontestimore të paditëses Sh. M. M. nga M., të cilën sipas autorizimit e përfaqëson Sheremet Ademi dhe Leotrim Ademi, avokat me seli në Mitrovicë, kundër të paditurës Komuna e Mitrovicës, Drejtoria Komunale e Arsimit, të cilën sipas autorizimit e përfaqëson Lirim Zeka, avokat me seli në Prishtinë, me objekt kontesti: kompensimi i shpërblimit jubilar, jashtë seancës gjyqësore, me datën 18.01.2024, mori këtë:

A K T G J Y K I M
(NË BAZË TË POHIMIT)

- I. APROVOHET** në tërësi si e bazuar kërkesëpadia e paditëses Sh. M. M. nga M.
- II. DETYROHET** e paditura Komuna e Mitrovicës – Drejtoria Komunale e Arsimit, që paditëses t’ia kompensoi shumën e te hollave në emër të shpërblimit jubilar për 30 vite përvojë pune, për ditët e pranisë e pune, 100% të pagës baze (525.42€), shumën prej 525.42€, me kamatë ligjore prej 8 %, e cila do të llogaritet nga data 02.06.2021, kur është parashtruar padia e deri në pagesën definitive, dhe atë në afat prej 7 ditësh nga pranimi i këtij aktgjykimi, nën kërcënimin e përmbarrimit të detyrueshëm.
- III. APROVOHET në tërësi** si e bazuar kërkesa sa i përket shpenzimeve të procedurës në shumën prej 125€, deri në pagesën e tërësishme të gjitha në afat prej 7 ditësh nga marrja e aktgjykimit nën kërcënimin e përmbarrimit të detyrueshëm.

Arsyetim

Paditësja, me datën 02.06.2021, pranë kësaj gjykate ka paraqitur padi, e të precizuar përmes parashtrësës të datës 06.12.2023, kundër të paditurës Komuna e Mitrovicës, Drejtoria Komunale e Arsimit, me anë të së cilës kanë kërkuar që të obligohet e paditura t’i paguaj në emër të kompensimit të shpërblimit jubilar paditëses Sh. M. M. nga M., për .. vite përvojë pune në vlerë të 100% të një page baze 525.42€, t’ia paguaj shumën prej 525.42€, me kamatë ligjore prej 8 %, duke llogaritur nga data 02.06.2021, datë e paraqitjes së padisë në gjykatë, e deri në pagesën përfundimtare, të gjitha këto (borxhin kryesor dhe kamatën) në afat prej 7 (shtatë) ditësh nga dita

e pranimit të këtij aktgjykimi, nën kërcënim të përmbarrimit të detyrueshëm. Shpenzimet e procedurës i ka kërkuar.

Gjykata me datën 09.12.2023 ka nxjerr aktvendim për përgjigje në padi duke e paralajmëruar edhe me pasojat procedurale se nëse nuk paraqet përgjigje në padi në afat prej 15 ditëve, nga dita e pranimit të aktvendimit të lartpërmendur, gjykata do të merr aktgjykim në bazë të pa dëgjueshmërisë / mosbindjes.

E paditura aktvendimin e lartcekur e ka pranuar me datë 13.12.2023 (konfirmuar përmes flete kthesës, e cila gjendet në shkresat e lëndës), kurse në përgjigjen në padi të datës 26.12.2023, ka pohuar në tërësi kërkesëpadinë e paditëses. E njëjta ndër të tjera ka theksuar se meqenëse paditësja ka bashkangjitur prova me anë të të cilave vërtetojnë se është e punësuar pranë te paditurës dhe ka bashkangjitur prova me anë të cilave dëshmojnë ditët e pranisë ne pune për periudhën kohore gjate se cilës e kane kërkuar kompensimin e shpërblimit jubilar, andaj në bazë te kësaj e paditura e pohon kërkesëpadinë e paditëses dhe kërkon nga gjykata qe te njëjtën ta aprovojë ne tërësi si të bazuar.

Gjykata në kuptim të nenit 148.1 të Ligjit për Procedurën Kontestimore, me të cilin parashihet se *“Në qoftë se i padituri deri në përfundimin e shqyrtimit kryesor të çështjes e pohon kërkesëpadinë pjesërisht apo tërësisht, gjykata e jep, pa shqyrtim të mëtejshëm, aktgjykimin me të cilin e aprovon pjesën apo gjithë kërkesëpadinë (aktgjykimin në bazë të pohimit)”*, vendosi si në dispozitiv të këtij aktgjykimi.

Lartësia e kamatës prej 8 %, është përcaktuar në bazë të nenit 382 të Ligjit mbi Marrëdhëniet e Detyrimeve (LMD-së) dhe e njëjta do të llogaritet në shumën e aprovuar nga dita e parashtrimit të padisë e deri në pagesën definitive.

Gjykata aprovoj ne tërësi shpenzimet e procedurës kontestimore si ne piken III te dispozitivit te këtij aktgjykimi ne mbështetje të nenit 452 të LPK-së, ashtu që detyrohet e paditura të paguaj shpenzimet e procedurës dhe atë për përpilimin e padis shumen prej 104 euro për taksen për padi shumen prej 21 euro gjithsej prej 125 euro- sipas tarifës së OAK.

GJYKATA THEMELORE NË MITROVICË
Departamenti i Përgjithshëm, Divizioni Civil
C.nr.703/2021, datë 18.01.2024

Gjyqtari
Genc Hasani

KËSHILLË JURIDIKE: Kundër këtij aktgjykimi është e lejuar ankesa, në afat prej 7 ditësh nga dita e pranimit se të njëjtit, Gjykatës së Apelit në Prishtinë, përmes kësaj gjykate.